

# Kontuola

ANTZUOLA / Egubakoitza / 2002ko urtarrilaren 25a / 98. zenbakia

KOORDINATZAILEA: Aintzane Irizar • Barrenkalea, 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com

## Akiñabeiko errota berreskuratu dute eta ikusgai dago nahi duten herritarrendako


AINTZANE IRIZAR

Duela zortzi urte erosi zuen Jose Mari Iturbek Akiñabeiko errota. Asteburu luzeak pasatu ditu hura txukundu eta konpontzen, eta errota martxan ere jarri du. Domekan, irteera egingo dute Arrolakoek errota ikustera joateko. 09:00etan irtengo dira, plazatik.

Egoera kaskarrean zegoen Akiñabeiko errota Jose Mari Iturbek erosi zuenean. Haren helburua zen goitik behera txukundu eta errota martxan jartzea. Zortzi urte hauetan asteburu ugari pasatu ditu horretarako lanean, eta azkenean lortu du hasierako helburua.

### URIK GABEKO ERROTA

Ez ei da batere erraza errota bat erosteko aukera topatzea. Akiñabeiko errota erosteko aukera izan zuenean, hortaz, ez zuen bi aldiz pentsatu, nahiz eta nahia- go izango zukeen urarekin martxan jartzeko aukera emango zion errota bat erostea. Akiñabeiko errotarako ura 500 bat metro gorago eraikitako biltegi batetik ekar- tzen zuten jatorrian, auzoko itur-



Errotak zela funtzionatzen duen erakutsiko die Jose Mari domekan Arrolakoekin bisitan joaten direnei.

buru bateko ura, hain zuzen ere; orain, baina, herrirako ura banatzen da iturburu horretatik, eta ez dago ur hori errotarako erabiltzeko aukerarik. Hala ere,

horrek ez dio arazo handirik ekarri Jose Mariri. Motor batekin, argindar generadore batekin jartzen du martxan errota. Esan bezala, goitik behera konpondu

du errota Iturbek. Teilatu zati bat erorita zeukan, barrualdetik ere nahiko hondatuta zegoen, errota bera ere egoera txarrean zegoen... Teilatua guztiz kon-

*“Inguruko zortzi baserriren artean egin zuten errota, argindarra sortzeko”*

pondu du, errota ere piezaz pieza desmuntatu eta dena berregituratu behar izan du. Horrenbeste denbora eta gero, baina, pozik dago eta merezi izan duen sentsazioarekin.

### AUZOTARREN ERROTA

Zortzi baserri egin zuten errota hori, denena zen, ez zeukan ugazaba bakarra. Euren helburua zen argindarra sortzea. Turbina bat jarri zuten horretarako. Baina errota ere jar zezaketela-eta, hori ere jarri egin zuten. Honako baserri hauek jasotzen zuten Akiñabein sortutako argindarra: Azkarate, Elutsa, Jauregi, Goenaga, Goitia, Laskurain-aundia, Lizarriturri eta Lamariano baserriak. Urte askoan bertan behera lagata egon da errota, Jose Mari hartu zuen arte.

## HERRITARREN HITZA / Beñardo Kortabarria • Kazetaria

### Ikurrina oreatzen

A itortu behar dut ez nuela gogoratzen, baina *Goienkaria*-k gogorarazi zidan euskaldunon ikurrina legeztatu zeneko 25. urteurrena. Artikuluak hunkitu egin ninduen, hurrengo egunean ikurrina balkoira ateratzea erabaki nuen. Izan ere, abertzaleok hain gutxitan bildu gara guztiontzako zerbaiten alde zintzotasunez eta tinkotasunez lan egiteko... Ze arrai! Horrelakoak ospatu egin behar ditugu! Pentsatu eta egin. Larunbatean jaiki eta mutikoaren laguntza paregabearekin ikurrina dotore-dotore ezarri nuen balkoiaren erdi-erdian.

“Jendeak pentsatuko dau Sansebastian bezpera dala-eta jarri dozula”, esan zidan emazteak. Donostian bageunde izan zitekeela baina Antzuolan... ez nuela uste erantzun nion. Gainera, *Goienkaria*-ren azalean eta barrualdeko bi orrialdetan argitaratu zuten artikulua medio, etxe aurretik igarotzen zen orok lotura erraz egingo zuelakoan nengoen. Bi hitzetan: ez nintzela ikurrina jarriko



**“Ikurrina balkoian jartzea erabaki nuen larunbatean”**

laguna hurbildu zitzaidan: - Ikusi juat ikurrina hirean. Gaur zerbait dok ala? Beste batek ere galdetu jostak, ikusi

zuen bakarra izango.

Umeein goizeko kalejira eginda, eguerdian bazkaltze- ra bueltatu nintzen- nerako argi neukan ez nuela ez leiho eta balkoietan ikurrin askorik ikusiko. Reala eta Alavesen arteko derbya ikustera irten nintzen arratsaldean. Surpen nengoela

ei hau-eta ikurrina jartzen.

Ikurrina legeztatu zeneko 25. urteurrena zela azaldu nion. - Ah! Ba badakik zer erantzun jaten -berak- beharbada ikurrina garbitu eta lehertzeko eskegi egingo huela.

Akabo nirea! Ondorioak: 1) Edo *Goienkaria* ez da uste den beste irakurtzen. 2) Edo deialdi ofizialik ez badago jendeak paso egiten du. 3) Edo ikurrinarena bezalako kontuak ez zaizkigu batere inporta. 1) eta 2) arrazoiekin geratzen naiz. Eta ez ni bakarrik, nik dakidala gutxien- ne beste batek ere, egun hartan ikurrina garbitu eta eskegi egin baitzuen.

## LABUR

### Zine eskaintza domekero osoko bilkuren aretoan

Urte hasieratik udaletzeko pleno aretoan eskaintzen dituzte domekero filmak. Izan ere, Gizarte Etxeko lanak direla-eta, zine aretorik gabe geratu da herria. Udalak, baina, behin-behineko areto bat topatu nahi izan du. Parrokiako lokalean hasi ziren pelikula eskaintzen, baina, horretarako toki aproposa ez zela-eta, aurrerantzean osoko bilkuren aretoan eskainiko dituzte filmak. Etzi, domekan, *Charlie eta Louise* filma eskainiko dute, 16:30ean.

## TELEFONO JAKINGARRIAK

### OSASUNA/LARRIALDIAK

DYA .....	943 78 71 57
Gurutze Gorria .....	943 76 55 76
Medikua .....	943 76 62 23
Praktikantea .....	943 76 63 80
Udaltzaingoa .....	943 76 62 46
Ertzaintza .....	943 76 53 40

### UDALA

Udaletxea .....	943 76 62 46
Liburutegia .....	943 76 60 65

### BESTELAKOAK

Idolaz .....	943 78 60 12
Herririkastetxea .....	943 76 62 68
Jubilatuena elkartea .....	943 76 62 71
Abadetxea .....	943 76 64 16
Anekarr (Kontxi) .....	943 78 70 65
Taxiak:	
Antonio Fernández .....	669 15 65 40
Jesus M. Fernández .....	607 31 85 60

## MEZAK

### ANTZUOLAKO PARROKIA

Lanegun eta zapatuetan: 19:30  
Domeka eta jaiegunetan: 09:00, 11:30

### UZARRAGAKO PARROKIA

Domeka eta jaiegunetan: 10:00

## OHARRAK

### ARROLAREN IBILALDIA

Domeka goizerako irteera bat antolatu dute Arrolakoek. Herrian zehar egingo dute ibilaldia. Plazatik irtengo dira goizeko 9:00etan, eta San Blaseko ermita aldera abiatuko dira. Handik, Madariaga baseritik pasatu eta gero, Trekutzera helduko dira. San Martzialera jaitsi ondoren, Akiñabeiko errota ikustera joango dira, eta errota martxan ikusteko aukera izango dute.

### ESKI-TRABESIA BERTAN BEHERA GERATU DA

Hemendik bi astera, otsailak 9 eta 10eko asteburuan, hain zuzen ere, eski-trabesia irteera bat egitea aurrez ikusten zuten eskualdeko mendizale taldeek. Eta horrelaxe jakinarazi zuen Arrolak ere urte hasieran argitara eman zuen urteko egutegian. Azkenean, baina, bertan behera laga dute irteera.

## BASERRIZBASERRI/ Lapatza



### NEKAZARITZA BIOLOGIKOA

Irimoegi barrena auzoan dago Lapatza, herrigunetik bertan. Lehen aipamena 1391koa den arren, orain ezagutzen duguna XVIII. mendean eraiki zuten. Aurrealdean puntu-erdiko hiru arku dituen herriko baserri bikain bakarra da. Garai batean, ba omen zegoen Lapatza errota ere, gaur Etxezuri dagoen tokian. Pedro Perez Zumeta-Lapaza bertako seme bat, Aljerren hil zen. Goleta baten zihola atxilotu eta Constantinoplara eraman zuten. Handik Aljerrera bidali eta bertan hil zen 1581. urtean. Baserri ingurua negutegiz beteta dago, nekazaritza biologikoa lantzen dute. /AINTZANE IRIZAR /ITURRIA: IÑIGO RAMIREZ DE OKARIZEN 'ANTZUOLAKO BASERRIAK ETA ERROTAK'

## BOTEPRONTOAN/ Aitziber Goñi • Zinemako arduraduna

*“Euskarazko pelikula ahalik eta gehixen eskeintzen saiatuko gara aurten, horixe da gure erronkia”*

**Z**inemako arduraduna da Aitziber, Alaitz Jauregirekin batera. Lau bat urte darama lan horretan. 23 urte dauzka eta informatikari moduan lan egiten du Antzuolan bertan.

### Zelatan suertatu zitzaizuen zinemako arduradun izateko aukera?

Gure aurretik ezagun batzuk zebizten lan honetan, eta euren bittartez euki neban lan honen berri.

### Zein da zuen lana?

Pelikulak geuk erosten dittugu; pelikula bakoitzerako kartelak ere egin bihar izaten dittugu. Egunian bertan, berriz, orain, osoko bilkuren aretuan, jarlekuak eta monitoria jarri

bihar izaten dittugu eta lehiatzen sarrerria kobrau.

### Zeren arabera aukeratu dituzue pelikulak?

Alde batetik, pelikula ezagunak aukeratu saiatzen gara; bestetik, euskarazko pelikula ahalik eta gehixen eskeintzen saiatuko gara aurten. Aspaldixan gebitzen euskarazko pelikulak eskeini nahixan, baina ez da errega. Aurten, azkenian, Durango azokan mordoxka bat erosi giñutzen, eta esandako moduan, euskarazko pelikula dezente eskeini dittugu. Horixe da aurtengo gure erronkia.

### Zinema gustatuko zaizu, ezta?

Zinera jutia asko gustatzen jat, baiña, bestela, ez pentsau oso zalia naizenik be, ez naiz sekula



mundu horretan asko mobidu.

### Gustuko pelikula bat?


“La mandolina del capitán Corelli”.

### Gizonezko eta emakumezko aktore bana?

Joseba Apaolaza eta Elena Irureta.

### Bide batez, eta Oinarineko kide zarenez, zer moduz doaz karnabaletarako entseguak?

Aurten berandu hasi gara; egia esan, urtero hasi izan gara berandu, baiña aurten sekula baino beranduago hasi gara esaiuekin. Dana dala, Lantzeko ihauterietako dantzak egingo dittugu, eta ez dira oso dantza zailak; hortaz, danak ondo irtengo dabela espero dogu, eta ia jende askok parte hartzen daberen.



Tailerra: Uzarraga bidea, 10. Antzuola. Tf. 943 78 71 78  
Erakusketa: Kalebarren, 1. Antzuola. Tf. 943 78 71 79, Tf. eta F. 943 76 64 73


- Gasa
- Berogailuak
- Haire egokitua
- Enpresen mantenimendua
- Lurrin instalazioak
- Bero-aurrezteak
- Bainugelak. Proiektuak momentuan DIBAren bidez
- Birgaitze-espeditentak bideratzen ditugu

## ANTZUOLA

Apainketak eta isolamenduak  
Pladurrezko dibisioak

Kalegoi 21 ANTZUOLA  
676 997 400  
Billegia: 943 78 70 40

## AITZ-GARBI



taberna  
jatetxea

Pintxoak eta kazuelatxoak.  
Bazkariak eta afariak

Kalebarren 15. Tf. 943 78 70 51  
ANTZUOLA